


LA TERROUR

Lou darnié voulume di *Rouge dóu Miejour* de Fèlis Gras, enfin publica en prouvençau... (Pajo 6)



Prouvènço d'aro

Tóuti li mes, lou journau de la Prouvènço d'aro

Febrié de 2018

n° 340

2,10 €

La susado SUD

Aqueste cop ié sian, lou Councèu regionau sus lou counsèu esleira de soun president Renaud Muselier a bèn vouta, lou divèndre 15 de desèmbre passa, l'adúcioun dóu novèu noum de sa boutigo "Région Sud Provence-Alpes-Côte d'Azur" e te l'an empega tre lou novèl an sus si plancarto. "Aucune autre région n'a choisi le Sud pour valoriser son territoire, donc moi je l'ai pris!" que diguè countènt lou cabiscòu Renaud Muselier.

Mesuro de simplificacioun amenistrativo coume se n'en fai à bèl èime, la denoum-nacioun "Prouvènço-Aup-Costo d'Azur" èro pas proun longo, te ié van apoundre "Regioun Sud", es mai facile pièi que "Regioun Sud-Est", lou sud-est de la Franço es la Costo-d'Azur e Lou Mounègue. Tres letro de mens



acò comto. La coumoudita sara pamens de pronuncia sènso s'estoufega li trento-e-uno letro de l'apelacioun nouvelo. Uno bello meloudio de caratèr de dóucis armounio! léu, demore en "Région Sud Provence-Alpes-Côte d'Azur", siéu tout simplamen un sudisto-prouvençau-Aupen-Costo-d'Azuren que parlo la lengo istourico d'aquelo regioun, qu'aquí mai se n'en cerco soun noum.


Moun rèire-rèire grand, Marius, se vesié coume sa Prouvènço roumano s'es aro batejado, se troubarié mouca davans tant d'addendum e un apoundoun novèu pèr coumpleta la saussissounado de l'apelacioun geografico.

Pecaire, lou moudernisme es acò, sian la regioun la mai letrado de Franço, 31 caractèr, de 13 voucalo e 18 counsono. Que demanda de mai?

Siegue lou simplige se fara soulet, emé l'acronime que counvèn RSPACA, siegue missiés li Counsèi regionau coumpren-dran enfin que "Prouvènço" sufis pèr designa lou país, coume lou vòu lou pople, emé pèr bello provo la peticioun dóu Partit Occitan menado pèr Arvèi Guerrera qu'a recampa adeja 13000 signaturo pèr refusa *Regioun Sud* e garda rèn que "Prouvènço".

J. Maltotier

Nosto pouplacioun de 2018



Moussu lou president de nosto *Regioun Sud* aura de tira uno aurihado à-n-aquéli journalisto que nous anóncion que la regioun a franqui la barro di cinq milioun d'abitant, "mais son dynamisme reste faible par rapport à ses voisines du Sud et de l'Ouest".

Lou Sud dóu Sud de que baio? Bèn segur, l'Occitanio e la Nouvelle Aquitàni qu'an de terraire mai au sud que la "Regioun Sud Prouvènço-Aup-Costo d'Azur".

Acò pèr dire que lou solde migratòri en "Regioun Sud Prouvènço-Aup-Costo d'Azur" es pousitiéu + 0,2% "es pas tant atratiéu que dins lis àutri regioun dóu Sud..." Es de 0,7% en Occitanio e 0,6% en Nouvelle Aquitàni.

Mai avèn d'espèr, lou nombre de seniour (de vièi) déurié s'acrèisse de 35% dins nosto regioun d'aquí 2030,

pèr coumbra lou deficit migratòri d'aro.

De-verai, sian pas jouine e sian perdu dins aquéli comte de ma grand la borgno.

Pecaire, à bèus iue vesènt, riscarian de pas dire parié... Acò sènt lou vieiun!

Basto! Saupre se lis erso d'aquéli migrant de l'age tresen van pas nega lou restant di vièi dóu país que parlon encaro sa lengo de naturo?

Que noun, la davalado vers lou Sud, es pas facho pèr un rescontre emé li terradouren, mai pèr aganta lou soulèu... en ribo de mar.

Ço que fai, estènt que sian dins li chifro incountestablo, quand se vai coumtabilisa tout aquéu bèu mounde vieianchoun, se poudra dire eisa que lou lengage di

seniour prouvençau es lou franchimand, dins un pourcentage desmesura faci à-n-aquéli que barjacon soun jargoun, lou patoues dóu país, pichot dialèite d'uno lengo roumano que d'uni se plaison de ié baia touto meno de noum, lengo d'oc, prouvençau, lengo prouvençalo, occitan, lengo occitano... pas pèr lou parla, mai pèr l'escrèure à soun biais, à l'estoufado dins soun linçòu d'erudicioun...

Comte d'abouticàri vo pas, poudèn assaja de se denoumbra dins aquelo "Regioun Sud Prouvènço-Aup-Costo d'Azur". Segur que sarié estounable de se retrouba majouritari dins aquelo meno d'identita de loucutour prouvençau emai siegue que demié lis ancian. Mai chut, fau pas parla d'identita prouvençalo, lis identitari soun de racisto que se dis, alor vau miés se teisa emé nosto marrido lengo...

La lengo d'Occitanio

Fau pas counfoundre la partido emé lou tout, l'ensèn di país d'oc...

Pajo 2

La carriero grèco de Marsiho

Es li batissèire d'un immobile mouderne qu'an descubert li vestige...

Pajo 6

Uno carto de l'an 1300

La bello descuberto d'uno carto de la debuto de la Papauta en Avignoun...

Pajo 7